

qinnuteqartog / qinnuteqaassutaq / siunertag / suliniutip allaaserinera: akuersissutaasut:

Pia Kielsen 200.000  
Benny Kielsen  
Nuuk

Autismeforeningen Kalaallit Nunaat  
Nuuk

Autisme pillugu ilisimasat paasinninnerullu siammarternissaa.

Autisme pillugu ataatsimeersuarneq.

Autisme innarluutaavoq inunnguuserisaq ersingitsorlu, pingaartumik assigiinngitsutigut maluginiutinut sunniisartog, innuttaasullu 1 aamma 3 %-ii autismeqarput.

Autismep inuit autismeqartut sunnertarpai, aammali ulluinnarni inuit avatangiiseritamik sunnertarlugit, pingaartumik angajoqqaat qanigisaasullu autismeqartumut qajassuussinermikkut, inuunertik tamaat allannortittariaqartarmassuk aalajangersimalluinnartunik sinaakkusiinikkut, inuit autismertut ukkatariniarlugit.

Uagut, Autismeforeningen – Kalaallit Nunaat autisme pillugu paasissutissanik piariaqartitsisoqartorujussuusoq Kalaallit Nunaanni naammatoortuaratsigu, Autismeforeningen – Kalaallit Nunaanni siunertaarput tamanna pillugu ataatsimeersuartitsiniarluta, oktoberi qaammat, Kujataani, siusinnerusukkut ataatsimeersuartitsisoqartareemat, 2017-imi aamma 2019, Nuummi ingerlanneqarmata, nunap immikkoortortaanit tassanga peqataasut amerlasimangimmata. Inuit autisme-mik innarluuteqartut amerlassusaat nuna tamakkerlugu amerlaqatigiimmata, ajoraluartumik ilimanarpoq, inuit peqataanissaannut tunuarsimaarnerannut pissutaasimasooq aningaasartai angalanermut aningaasartuutit ataatsimeersuariarnermut, ilaqutariippassuarni isertitat appasinneri pissutaallutik unaminartinneqarsimammat, tassungalu ilutigalugu nunap immikkoortuinut allanut ataatsimeersuarnernut tapiiffigineqarnissamik qinnuteqarnissaq ajornakusoorsimassammat, angalanerup akisuallaarnera pissutigalugu.

Autisme-mut tunngasuni Facebook-imi eqimattani suliniarnerit malillugit taamatuttaaq takusinnaavarput autisme-mut tunngasunt siunnersorneqarnissamik pisariaqartitsineq suli annertoorujussuusoq, tamannalu naammangilaq Facebook-imi imaluunniit Teams-imi allallattaarnikuinaq, oqallittarfimmilli annertunerusumik pisariaqartitsivoq, autismemik innarluutilinnut qaigisaasut pineqarmata, taamatut atugalinnik naapitserusuttut ulluinnarni ajornartorsiutiminnik oqaloqateqarusuttunik, taamaaliornikkullu ataatsimeersuareernerup kingorna angerlarlutik nukissaqarlutik ulluinnarni inuuleqqinnissaannut.

Taamaattumik peqatigiiffiup anguniagarivaa Qaqortumi, Kujataani ataatsimeersuartitsissalluni, ulluni 13.10.2023 – 15.10.2023, ullut taakku tamaasa ilanngullugit, ukuninnga sammisaqarluni:

Autisme sunaava.

Saqqummiineq Mehdi Owliaie aama Linda Swartz Larsen, Det Nationale Autismeinstitut-imeersunit ingerlanneqassaaq. Taakku immikkut autismemut ukiut 20-vit sinnerlugit misilittagaqarput. Autisme suunersoq nassuiassavaat, aammalu qanoq ililluni pitsaanerpaamik inuit autismeqartut ulluinnarni ikiorlugillu tapersorneqarsinnaanersut iserfigissallugu.

Autismertut qatanngutaannut pikkorissaaneq.

Pikkorissaasut Mehdi Owliaie aamma Linda Swartz Larsen, Det Nationale Autisme Institut, inunnut autismertunut qatanngutaasunut tunngatil-lugu, aammalu qatanngutaasutut unammilligassat ilaqutariinni autismertoqarfiusuni ulluinnarni isummersorfigisariaqartunut, aammalu tas-sunga ilutigalugu pikkorissarneq sakkussanik aallerfiusoq ulluinnarni inuunerup ingerlannissaanut imminermut, aammalu sooq qatanngutit au-tismeqartut ukkatarineqartariaqarnerinut paasinninnissaq.

Aliasunneq artornartoq.

Jette Riis Nielsen saqqumiutissavaa, siusinnerusukkut immikkut ittumik perorsaasuusimasup, ersinngitsunik innarluutilinnut angerlarsimaffinnut ukiut 40-rut sinnerlugit misilittagaqartoq, tassani pingaartumik autismertunut.

Saqqummiussassaaq pingaartumik inunnut autismeqartunut angajoqqaajusunut sammitinneqarpoq, aliasunnerlu amerlasuut ersinngitsunik in-narluutilinnik meeraqartut misigisaat, aammalu inuunerup allanngortittariaqarsimanera.

Atuarnissamut pinaaserneq.

Sammiunneqassaaq Mehdi Owliaie aamma Linda Swartz Larsen-imit, Det Nationale Autismeinstitut.

Atuarnissamut pinaaserneq ajoraluartumik annertuumik pisarpoq meeqqat inuusuttullu autismeqartut akornanni, kingunerisarlugulu ilinniaga-galernissaminnut periarfissartik annaasarlugu aammalu inuiaqatigiinnut tunniusseqataasinnaagaluarnerit, innarluutimik periarfissiinera tun-nga-vigalugu.

Inatsisit.

Saqqumiunneqassaaq Tilioq, Kalaallit Nunaanni innarluutillit oqaaseqartartuanit, inatsisit iserfigissammatigit pisinnaatitaaffiit periarfissallu in-narluutilittut, imaluunniit innarluutilinnut ersinngitsunik innarluuteqartunut qanigisaasutut, suunersut saqqummiutissallugit.

Autismeqartumit.

Saqqummiissaaq Autisme – Asperger-foreningen Danmarkimit, autistinut Asperger-iutigisunut peqatigiiffik, saqqummiinerlu autistinit Asperger-simit nappaateqaatigisunit ingerlanneqassaaq.

Autisme – misigisat pitsaasut pitsaanngitsullu.

Saqqummiineq ingerlanneqassaaq Autisimeforeningen – Kalaallit Nunaanni siulersuisunut siulittaasumit, Pia Kielsen-imit, aammalu Birgitte Bro-berg-imit sinniisussamit siulersunut Kalaallit Nunaanni Autistertut peqatigiiffianni.

Saqqummiunneqartut qanigisaasutut pisortanut misigisimasat pitsaasut pitsaanngitsullu pillugit, qanigisaasumut autistertumut.

Pia pingasunut anaanaavoq, autismertumut, ADHD-eertumut aamma Cornelia de Lange, Birgittilu anaanaalluni meeqqanut tallimanut autismer-tunut.

Birgitte Broberg ulluinnarni Qaqortumi Meeqqat atuarfianni immikkut perorsaasutut atorfeqarpoq, immikkut klassimut meeqqanut autisme aamma ADHD- mit innarluuteqartunut pisortaalluni, ilinniartitsinermilu sakkut suut atortarnerlugit iserfigissallugu.

Ikiuutit.

Suliffeqarfik Protac, ilaatigut inunnut maluginiutimikkut unamminartoqartitsisunut ikiuutinik ikiorsiisartoq, ataatsimeersuarnermut peqataatin-niarneqarpoq, taakkua ikiuutit ilaannik takutitsisillugit inunnut ulluinnarni autismertunut ikiuutaasinnaasunik.

Pilersaarut qulaani pineqartoq aallaavigalugu, peqatigiiffiup anguniarppaa Qaqortumi ataatsimeersuarnerup ingerlanneqarnissaaq, iluatsilluas-sappallu, siunertaavoq 2024-imi Avannaani ataatsimeersuartitsinissaaq, tulluillugulu Tunumi, 2025-imi.

60-it suliniummi peqataapput.



Minik Rosing 130.000  
København

Ivalo & Minik Fonden  
Nuuk

Ukiunut 2024, 2025 aamma 2025-mut pingaarnertut aningaasaliisuunerup sivitsornissaa Kalaallit anguniagaqarluartut neriunnartullu 60-nit amerlanerulaartut Ivalo & Minik Fonden-imiit tapiiffiqineqarlutik qaffasinnerusumik ilinnia-gaqarsimapput imaluunniit Naalagaaffeqatigiiffiup avataani ilinniagaqarnerminnik qaffassarsimallutik. Tamanna ajornarunnaarsimavoq allat tapiisut saniatigut ukiumut uagut tapiissutissatsinnit 130.000 koruuninit tapiiffigissarsimagatsigut. Maannamut tapiissutigisartakkassinnut qamanna pisumik qujamasuppugut, apuukkusupparpullu uagut aningaasaliiffigisimasatta aamma tapiissutisi assut qujamasuutigigaat. Ilissi Ivalo & Minik Fonden-imut tapiissutissi amerlasuut anguniakkamittut sinnattuinit piviusunngortitseqataareepusi, neriuppugullu ukiuni aggersuni aningaasaleeqataanissigut sulii kalaallit amerlanerusut ilinniagaqarnikkut angorusutaanit periarfississagisi. 2023-mi ukiup naanerani isumaqatigiissupput naassaaq, taamaammat isumaqatigiissut malillugu ilissi tunniussinnaasasi uatsinnut tunniutereer-simavasi. Neriuppugut isumaqatigiissupput sivitsorumassagissi, piffissamut 2024 - 2026-mut atuuttussanngorlugu. 2024 130.000 kr.  
2025 130.000 kr.  
2026 130.000 kr.  
Neriulluta tusarluassalluta.  
8-it amerlanerusulluunniit imaluunniit ukiumut sulii amerlanerusut 2024-mi, 2025-mi aamma 2026-mi neriunnartumik inuit 24-it amerlaneru-sulluunniit tapiiffiginnaalissavagut.

Naleraq Eugenius 40.000  
Fabrizio Barzanti  
Nuuk

Naleraq Eugenius  
Fabrizio Barzanti  
Nuuk

Uanga Timera tour part 5  
Siunertaq  
Uuma projektip siunertarivaa meeqqat peqqinnartumik ammanerulernissaat, misigissutsinut atatillugu qalipaait aamma isiginnaartitsineq nukigalugit. Tassanilu sammisami ajortumik pisoqannginnerani imaluunniit atornerluisoqannginnerani, meeqqat qisuriarnissaminnut sak-

kussaannik, aammalu atorsinnaasaannik tunerusuppagut. Taamaasilluta meeqqat sukkanerusumik qisuariarsinnaaniassammata.

Angallanera

Maannakkut angallannissaata pilersaarusionerqarpoq, aammalu atuarfiit sineriammiittut attaveqarfigineqarlutik. Ilanngullugu Nuummi klassit ilanngutinngitsuukkat ilanngunnissaat piviusunngortinnissaa aamma pilersaarusionerqarpoq. Uanga Timera angallannissaa pingasunngorlugu avissimavarput, pingaartinnerullugu atuarfiit klassillu immikkut isiginnaartitsiffigineqartartussaammata.

Siulliullugu angalaffissat siunniutagut tassaapput: Maniitsoq, Sisimiut, Asiaat Ilulissat, Qasigianguit aammalu Qeqertarsuaq.

Tulliullugu: Qaqortoq, Narsarsuaq, Narsaq, Nanortalik, Igaliku, Alluitsup Paa, Eqalugaarsuit aammalu Qassiarsuk Pingajuattut: Tasiilaq, Paamiut aammalu Nuuk peqqinneqarluni. Ajoraluartumik Covid-19 peqqutaalluni Qaanaaq, Upernavik aamma Uummannaq pisinnaasimangilagut avannaani pisussat tamaasa unitsinneqarmata. Sisamaanni angalanermi tikinneqarput Qaanaaq, Upernavik aammalu Ilulissat. Nuummilu atualerlaanut takutillugu.

Massakkut tikikkusuppagut Ittoqqortoormiit, Uummannaq aammalu Nuummi atualerlaanut takuteqqikkusupparput.

Imarisaq

Uanilu isiginnaagassiami isiginnaartitseriaaseq atorusupparput "Forum teater"-imik taaneqartartoq. Assersuutigalugu isiginnaartitsinerup iluani ajornartorsiummik pisoqarsimatillugu isiginnaartitsisartoq meeqqanut aperisassooq, una pisoq ajorpa? Taamasillutik meeqqat akisassuaat, taava tassangaat erinarsuutinngussooq meeqqallu peqataatinneqarlutik. Taava ajunngittut ajortullu immikkoortinneqassapput, erinarsuutinngorlutik assigiinngitsut. Oqaluttuarlu Nalle Laanelamit suliarineqassaaq kalaallinik isiginnaartitsisartunik ikiortilerluni, taamaasilluni kalaali-aqqanut tulluarsagaaniassamat. Aamma allanneqarnerani psykologimik ilaasoqassaaq, meeqqanut pissusaannut ilisimasalik. Erinarsuutit Fabrizio Barzanti-mit erinniarineqassapput, kalaalliniillu isiginnaartitsisartunit taalliarineqarlutik.

Una oqaluttuaraq sisamanik sammisanik ilisaritsissaaq. Ukualu sammisarineqassapput.

1. Unigit ajortumik pinanga.
2. Unigit ajortumik una inuk pissanngilat.
3. Ajunngilaq aamma misigissuseqarluni, qianeq inerteqqutaanngilaq.
4. Oqaloqatigiitta, qamaniitsitaqarnata.

Taamaasilluta ukua sammisat isiginnaartitsineq atorlugu saqqummiunneqassapput, erinarsorneq atorlugu.

Tassami Kalaallit Nunaanni ajornartorsiutit annertuut ilaanniippoq meeqqanik sumiginnaaneq aammalu atornerluineq. Naliginnaasumik atornerlugaanikoq ersiortinneqartarpoq, tupaqqarujussuarluni tassangaanniillu imminut ajorilerneramik kinguneqarsinnaasarpoq, atornerluisorlu sunngitsuusaartutut periarfissinneqarluni.

Taannalu mumisikkusullugu meeqqat maligassiorusullugit aammalu ammanerulernerup sakkuanik tunerusullugit, atornerluineq anigorneqarsinnaaniassamat aammalu sukkanerusumik nalunaartoqartalerniassamat.

5-t aamma isiginnaariat peqataassapput.

2023-mi augustimi akuersissutit katinnerat qinnuteqaatinut tamarmik

100.000 kr.-ninit annertunerusut 2023-mi aprilimiit 2023-mi augustimut tigusimasavut aallaavigalugit:

370.000

Takusassiaq una 2023-mi ukioq tamaat akuersissutit allattorsimaffiani aamma akuuvoq.

Akuersissutit ukiuni aggersunut atasut ukiut aggersut pineqarfiini ilaatinneqarput.